

Na osnovu člana 15. Zakona o principima lokalne samouprave („Sl.novine FBiH“, broj: 49/06) i člana 29. stav. 2. Odluke o izvršenju budžeta općine Cazin za 2017. godinu (“Službene novine općine Cazin”, broj:1/17), na prijedlog Službe za opću upravu i društvene djelatnost Općinski načelnik
d o n o s i:

PRAVILNIK

o sufinansiranju rada seniorskih i omladinskih pogona - podrška klubovima koji se takmiče u Premijer ligama BiH, Prvim i drugim ligama Federacije BiH u 2017. godini

Član 1.

Ovim pravilnikom utvrđuju se kriteriji, način i postupak raspodjele finansijskih sredstava planiranih za sufinansiranje rada seniorskih i omladinskih pogona - podrška klubovima koji se takmiče u Premijer ligama BiH, Prvim i drugim ligama Federacije BiH u 2017. godini.

Član 2.

Sredstva za sufinansiranje rada seniorskih i omladinskih pogona - podrška klubovima koji se takmiče u Premijer ligama BiH, Prvim i drugim ligama Federacije BiH u 2017. godini koristiće se za finansiranje klubova nosioca loptaškog sporta sa područja općine Cazin

Član 3.

Na zahtjev nadležne općinske službe Sportski savez općine Cazin dostavlja podatke o klubovima koji se takmiče na premijerligaškom, odnosno prvoligaškom i drugoligaškom nivou, uključujući podatke o kadetskim, juniorskim i seniorskim ekipama, kao i troškovnike za tekuću takmičarsku sezonu.

Član 4.

Raspodjela sredstava za sufinansiranje rada seniorskih i omladinskih pogona - podrška klubovima koji se takmiče u Premijer ligama BiH, Prvim i drugim ligama Federacije BiH u 2017. godini vršit će se klubovima u:

- Premijer ligi BiH, MRK
- Prvoj ligi Federacije BiH, ŽRK, Stolni tenis
- Drugoj ligi Federacije BiH, FK Krajina
- MNK „Bubamara“

Član 5.

Na osnovu dobijenih podataka od Sportskog saveza, vodeći računa o dugogodišnjem i kontinuiranom djelovanju sportskih klubova, članstva u granskim sportskim savezima, organizovanosti rada sa različitim takmičarskim kategorijama, učešća u radu Sportskog saveza, posjedovanja vlastitih sportskih objekata, organizovanja masovnih sportskih manifestacija, rangu takmičenja na višim nivoima, učešću na državnim prvenstvima, visini kotizacije, kalendaru takmičenja, postignutim rezultatima, učešću u reprezentativnim selekcijama, tradiciji sporskog kluba, reprezentovanju Općine, kantona i države i dr., nadležna općinska služba donosi Plan raspodjele finansijskih sredstava sportskim klubovima iz Granta predviđenog za sufinanciranje rada seniorskih i omladinskih pogona - podrška klubovima koji se takmiče u: Premijer ligama BiH. Prvim i drugim ligama Federacije BiH u 2017. godini i takmičenja u malom nogometu.

Član 6.

Plan preraspodjele sredstava iz člana 5. stav 2. ovog Pravilnika dostavlja se Službi za finansije, računovodstvo i trezor, a o realizaciji iste starat će se Šef službe za finansije , računovodstvo i trezor.

Član 7.

Ovaj Pravilnik stupa na snagu danom potpisivanja a objavit će se u Službenim novina općine Cazin.

OBRAĐIVAČ: Služba za opću upravu i
društvene djelatnosti:
Hasan Salkić, prof.

Broj: 01/N-40- 1733 /17
Cazin, 27.01.2017. godine

OPĆINSKI NAČELNIK:
mr. Ogřešević Nermin



Broj:03-40- 1733 /17
Datum, 27.01.2017. godine

Na osnovu člana 5. Pravilnika o sufinansiranju rada seniorskih i omladinskih pogona – podrška klubovima koji se takmiče u Premijer ligama BiH, Prvim i drugim ligama Federacije BiH u 2016. godini broj: 01/N-40- 1733/17 od 27.01.2017. godine, Služba za opću upravu i društvene djelatnosti općine Cazin, d o n o s i:

PLAN RASPODJELE

o sufinansiranju rada seniorskih i omladinskih pogona - podrška klubovima koji se takmiče u Premijer ligama BiH, Prvim i drugim ligama Federacije BiH u 2017. godini I

Sredstva za sufinansiranje rada seniorskih i omladinskih pogona – podrška klubovima koji se takmiče u Premijer ligama BiH Prvim i drugim ligama Federacije BiH u 2017. godini, predviđena Budžetom općine za 2017. godinu u iznosu od 150.000,00 KM raspoređuju se na sljedeće klubove:

FK „Krajina“,
MRK „Krajina“,
ŽRK „Krajina“,
TOP STENS 73.
MNK „Bubamara“

II

Raspodjela sredstva po klubovima vršice se prema utvrđenim kriterijima iz člana 5. Pravilnika

Red.br.	Naziv kluba	Tradicija kluba	Omladinska takmičenja	Troškovi po utakmici	Troškovi kotizacije	Rezerva klubova	Ukupno kolona (3+4+5+6+7)
1	2	3	4	5	6	7	8
1	FK Krajina, II liga Federacije	18000	9200	6656	4144	2000	40000
2	MRK Krajina, premijer liga	36000	18400	13312	8288	4000	80000
3	ŽRK Krajina, I liga Federacije	6750	3450	2496	1554	750	15000
4	TOP STENS 73, I liga Federacije	2250	1150	832	518	250	5000
5	MNK "Bubamara"	2250	1150	832	518	250	5000
6	UKUPNO %	45%	23%	16,64%	10,36%	5%	96,67%
7	REZERVA GRANTA					3,33%	5000
8	Sveukupno						150000

III

O realizaciji ovog plana starat će se Šef službe za finansije, računovodstvo i trezor.

Dostavljeno:

1. Općinskom načelniku
2. Službi za finansije, računovodstvo i trezor
3. Korisnicima sredstava 5x
4. Evidenciji
5. Arhivi

Šef službe za opću upravu i
društvene djelatnosti
Hasan Salkić , profesor

OBRAZLOŽENJE PRIJEDLOGA PRAVILNIKA O SUFINANCIRANJU RADA SENIORSKIH I OMLADINSKIH POGONA – PODRŠCI KLUBOVIMA PREMIJERLIGAŠIMA - PRVOLIGAŠIMA ZA 2013. GODINU

I PRAVNI OSNOV

Pravni osnov za donošenje Pravilnika o sufinanciranju rada seniorskih i omladinskih pogona - podrška klubovima koji se takmiče u Premijer ligama BiH, Prvim i drugim ligama Federacije BiH u 2016. godinu . godinu sadržan je u odredbama člana 15 Zakona o principima lokalne samouprave (“Službene novine FBiH”, broj: 49/06) i člana 29 stav 2.. Odluke o izvršenju Budžeta Općine Cazin za 2017. godinu (“Službene novine općine Cazin”, broj: 1/17),

II RAZLOZI ZA DONOŠENJE

Budući da je u skladu s zakonskom regulativom donešen i Proglašen budžet općine Cazin za 2017. godinu u kojem su na poziciji “Grant sportskom savezu ” “Sufinsiranje rada seniorskih i omladinskih pogona” od 150.000,00 KM, bilo je neophodno pristupiti izradi ovog Pravilnika koji se mora primjeniti da bi sredstva bila operativna tj. mogla biti isplaćivana krajnjim korisnicima..

III OBRAZLOŽENJE RJEŠENJA

Pravilnikom o sufinanciranju rada seniorskih i omladinskih pogona - podrška klubovima koji se takmiče u Premijer ligama BiH, Prvim i drugim ligama Federacije BiH u 2017. godini utvrđeni su kriteriji, način i postupak raspodjele finansijskih sredstava planiranih za sufinanciranje rada seniorskih i omladinskih pogona - podršku klubovima premijerligašima, prvim i drugim ligama Federacije BiH u 2017. godini.

Imajući u vidu potrebe razvoja i unapređenja sporta na području općine Cazin a u skladu sa Programima sportskog saveza, vodeći računa o dugogodišnjem i kontinuiranom djelovanju sportskih klubova, članstvu u granskim sportskim savezima, organizovanosti rada sa različitim takmičarskim kategorijama, učešća u radu Sportskog saveza, posjedovanja vlastitih sportskih objekata, organizovanja masovnih sportskih manifestacija, rangu takmičenja na višim nivoima, učešću na državnim prvenstvima, visini kotizacije, kalendaru takmičenja, postignutim rezultatima, učešću u reprezentativnim selekcijama, tradiciji sporskog kluba, reprezentovanju Općine, kantona i države izrađen je Pravilnik kako bih sredstva namjenjena za ove potrebe bila raspoloživa